



REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

UNIVERSITETI "ISMAIL QEMALI"
VLORE

VENDIM

ZYRA E PROTOKOLL - ARKIVËS

Nr. 44, datë 19.11.2021

NR. 1255 PRÛT.

DATA 17.12.2021

PËR

AKREDITIMIN E PARË TË PROGRAMIT TË STUDIMIT TË CIKLIT TË PARË
BACHELOR NË "EKONOMIKS", TË UNIVERSITETIT "ISMAIL QEMALI", VLORE

Bordi i Akreditimit, bazuar në Ligjin Nr. 80 datë 17.09.2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", Ligji Nr. 8480, datë 27.5.1999 "Për funksionimin e Organeve Kolegjiale të Administratës Shtetërore dhe Enteve Publike", Ligjin Nr. 44/2015, datë 30.04.2015, "Kodi i procedurave administrative të Republikës së Shqipërisë", Vendimin e Këshillit të Ministrave Nr. 109, datë 15.02.2017 "Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë", i ndryshuar, Vendimin e Këshillit të Ministrave nr. 531, datë 11.9.2018, "Për miratimin e Kodit të Cilësisë së Arsimit të Lartë", Vendimin e Bordit të Akreditimit, Nr. 1, datë 07.04.2017, "Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë", Vendimin e Bordit të Akreditimit, Nr. 2, datë 07.04.2017, "Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit" dhe Vendimin e Bordit të Akreditimit, Nr. Ekstra 1, datë 02.02.2018 "Për miratimin e Rregullores së Bordit të Akreditimit", në mbledhjen e tij të datës 19.11.2021, në kuadër të vendimmarrjes për akreditimin e parë të programit të studimit të ciklit të parë, Bachelor në "Ekonomiks", me të dhënat si më poshtë:

- a) Emërtimi i programit: Bachelor në "Ekonomiks"
- b) Cikli i studimit: Cikli i parë
- c) Akti zyrtar i hapjes/licensimit: Vendim i Këshillit të Ministrave Nr. 124, datë 17.02.2010
- d) Institucioni që e ofron: Universiteti "Ismail Qemali", Vlorë
- e) Njësia bazë përgjegjëse: Departamenti i Ekonomiksit
- f) Kohëzgjatja (Vite/semestra): 3 vite / 6 semestra
- g) Kredite (ECTS): 180 kredite
- h) Forma e studimit: Me kohë të plotë
- i) Statusi i diplomës: ofrohet vetëm nga Universiteti "Ismail Qemali", Vlorë
- j) Niveli i diplomës në kuadrin e Kornizës Shqiptare të Kualifikimeve: Niveli 6

pasi mori në shqyrtim:

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;

- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Raportimin e Ekspertëve të Vlerësimit në mbledhjen e Bordit;
- e. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- f. Procedurën e vlerësimit të ndjekur dhe monitoruar nga ASCAL;
- g. Komunikimin e vërejtjet e institucionit në kuadër të këtij procesi;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
- e. Rezultati i vlerësimit në lidhje me shkallën e plotësimin të *“Standardeve për sigurimin e cilësisë për programet e studimit të ciklit të parë “Bachelor”*” dhe cilësinë e ofertës akademike të programit të studimit është **“i përmbush kryesisht standardet”**, me mangësitë si më poshtë:
 - 1. Mungesa e një studimi të mirëfilltë të tregut të punës ku të analizohen dhe reflektohen nevojat reale të këtij programi studimi, në tregun e punës.
 - 2. Mungesa e një plani të detajuar për trajnimin e vazhdueshëm të stafit akademik për të përmirësuar cilësinë e mësimdhënies, por njëkohësisht edhe për të mbështetur stafin akademik për të kryer studime shkencore cilësore.
 - 3. Disa nga strukturat e insitucionit si: Komisioni i Përhershëm i Sigurimit të Breshëm të Cilësisë; Njësia e Sigurimit të Brendshëm të Cilësisë, janë formale dhe nuk janë plotësisht funksionale sipas kërkesave ligjore në fuqi.
 - 4. Numri i ulët në bibliotekë i literaturës së detyruar në funksion të këtij programi studimi.

Mbështetur mbi rezultatet dhe arsyetimin e mësipërm, Bordi i Akreditimit,

VENDOSI:

- 1. Vlerësimin përfundimtar **POZITIV** për programin e studimit **Bachelor** në **“Ekonomiks”**, të **Universitetit “Ismail Qemali”, Vlorë**, me rekomandimet sipas shtojcës së këtij vendimi.
- 2. **Akreditimin** e programit të studimit me kohëzgjatjen prej **4 (katër)** vite.
- 3. Afati përfundimtar i vlefshmërisë së akreditimit të programit të studimit është **30/09/2025**.
- 4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

BORDI I AKREDITIMIT

SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar
DARINKA PIQANI		Anëtar
DRITAN NAÇE		Anëtar
INDRIT HOXHA		Anëtar

Shënim: Znj. Lea Ypi nuk mori pjesë në këtë mbledhje.

Shtojca

Rekomandimet në zbatim të vendimit të Bordit të Akreditimit Nr. 44, datë 19.11.2011
“Për akreditimin e parë të programit të studimit **Bachelor në “Ekonomiks”**”, të Universitetit
“Ismail Qemali”, Vlorë, janë si vijon:

1. Institucioni, të kryejë një studim të mirëfilltë të tregut të punës në të cilin të reflektojë me evidenca nevojat reale të tregut të punës për këtë program studimi.
2. Institucioni, të hartojë një plan të detajuar për trajnimin e vazhdueshëm të stafit akademik për të përmirësuar cilësinë e mësimdhënies, por njëkohësisht edhe për të mbështetur stafin akademik për të kryer studime shkencore cilësore.
3. Institucioni, të marrë masa që strukturat e tij, si Komisioni i Përhershëm i Sigurimit të Brendshëm të Cilësisë dhe Njësia e Sigurimit të Brendshëm të Cilësisë, të vihen në funksion të këtij programi studimi, të formalizohen dhe të funksionojnë sipas standardeve dhe kërkesave ligjore në fuqi.
4. Institucioni, të rrisë fondin e literaturës së detyrueshme në gjuhën shqipe dhe gjuhë të huaja, mbështetur në kërkesat e njësive bazë, por edhe të pasurohen literaturat me artikuj shkencore të kohëve të fundit nga revistat më të mira shkencore në Ekonomiks si, Quarterly Journal of Economics, American Economic Review, Journal of Political Economy, Review of Economic Studies, Eco, Review of Economics and Statistics, Journal of Public Economics, Journal of Labour Economics, Economic Journal, Journal of European Economics Association, American Economic Journal.
5. Institucioni, të marrë masa për përmirësimin e funksionimit të zyrës së Keshillimit të Karrierës dhe të intensivikohen përpjekjet e saj për të krijuar rrjetëzimin e nevojshëm me aktorët lokale.

Në përmbushje të rekomandimeve të mësipërme, **Universiteti “Ismail Qemali”, Vlorë**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

